

2027 saalot primary eskoolot bórti oon

Victoriat primary shoolor foilar bosór óilde Foundation (Prep bolió ho).

30 April 2027 ór age 5 bosór boicca óiye én hoile tuáñr fuaye eskool cúru gori faribo. Tuáñr fua 6 bosór boicca óiye én hoile eskool fórozia.

Añi hoñtte dorhást gori faijjum?

2027 saalot Victoriar hono primary eskoolot bórti oibar dorhást:

- **20 April 2026 Cómbar** óite kúla
- **31 July 2026 Cúkkurbar** or bútoe.

Añar fuar bórti oonor hók honnin?

Victoriar bútoe, *Education and Training Reform Act 2006* mozin dóri dia farar eskoolot (tuáñr elahar schoolot) zaibar hók foitto uggua fuattu asé. Tuáñr stáyi tíkana zeçe héçiar eskoolor elaha muzin tuáñr elahar eskool ót gora za. Bórtir fóisalagin keen gori bana za ianor baabote aró zaniibolla, [eskoolot Bórti Oon ot](#) zo.

Primary eskoolor foillar bosórot añar fuaré ken gori bórti goraum?

Primary eskoolor foillar bosórot tuáñr fuaré ken gori bórti goraiba ían eçé asé:

1. Tuáñr elahar eskool tuai lo

Tuáñr elahar córhari primary eskool yato hañsahaissa eskool tuaibolla www.findmyschool.vic.gov.au eçé zo.

2. Eskool íanolli zuhazug goro

Mone hoile gúri saibolla eskool íanolli zuhazug goro Eskool íane bórtilla online (VicStudents) naki habos estemal goribó ían zani lo. E maalumát eskoolor websiteot fa zaibo.

3. Maalumát pack download goro

[Enrolling in Foundation \(Prep\)](#) ottu Foundationot (Prep) bórtir maalumát pack download goro. Pack ían 2 April 2026 Bicidbaror bútoe fa zaibo.

4. Tuáñr bórtir dorhást dahil goro

Eskoolor websiteot hoiya asedé émozin **31 July 2026 Cúkkurbaror bútoe** óile online (VicStudents) noile habos di bórtir dorhást dahil goro.

5. Fóisala zani lo

3 August Cómbar óite 14 August 2026 Cúkkurbaror bútoe **tuáñr bórtir dorhástor fósala tuáñre zanai dia zaibo**. Tuñi offer faiode óile **28 August 2026 Cúkkurbaror bútoe** offer loi félon sa.

6. Tuáñr fuare eskoolot zaibolla toiar goro

Term 4, 2026 ot eskool foróiaokkolor transition sessionot córik ho. **28 January 2027** Bicidbar óite tuáñr fuare Foundation cúru goribo.



Añar elahar eskool tuaum ken gori?

Nisor torika loi [Find my School](#) websiteot zai tuáñr elahar eskool tuai lo:

1. Tuáñr browser ot www.findmyschool.vic.gov.au lekó.
2. 'Cúru goribolla tuáñr tíkana lekó' ianor tole tuáñr stáyi tíkana do.
3. 'Bórtir bosór' ianor tole 2027 select goro. **2 April 2026 Bicidbaror bútoe 2027 salor eskool elaha** fa zaibo.
4. 'Hondilla Eskool' ianor tole Primary select goro.

Tar baade mefommazé tuáñr tíkana, tuáñr elahar eskool, ar bam dáke eskool contact details deháibo. Tuñi nisor mikka salai gile éçe tuáñr tikanar hañsor fañssan eskool deháibo. 'Eskool talac goró' ianor tole tuñi eskool nam dio tuai fariba.

Añar bórtir dorhást kamiab noóile keen óibo?

Tuáñr dorhást kamiab noóile, tuñi faribade:

- **Arekkada eskoolot dorhást gori** fariba. Tuáñr elahar eskoolot tuáñr fualla ekkada zaga dóijja ase. Tuáñr fualla elahar eskool tuaibólla [Find my School](#) ot zo.
- Fóisalare afil goro. [Foundation \(Prep\) ot Bórti fatat](#) bórtir dorhástor fóisalare afil goribar baabote maalumát asé.

Añi zodicé bórtir cómo far gori félaile keen óibo?

Tuñi tuáñr fuare 2027 eskool bosórot bórti goraibolla **20 April 2026 Cómbar** óite ze hono comot dorhást gori fariba.

Zodió bórtir dorhást **31 July 2026 Cúkkurbar or bútoe** dahil goribolla hua zar, toyo bórtir cómo miss goijjede, stáyi tákar zaga loijje yato Victoriat nua aiccede éndilla fémilittu derir dorhásto lua zaibo.

31 July 2026 tarikór fore dahil gora dorhást defarmentor Enrolment Policy mozin gosí loi baade primary eskoo nal goribo.

Primary eskoolot bórtir baabote aró maalumát añi hoçé faimum?

Foundation bórtir baabote aró maalumát tuñi tuáñr elahar eskoolottu magi fariba.

20 April 2026 tarik Cómbar óite Foundation bórtir baabote ekkada maalumát pack tuñi [Enrolling in Foundation \(Prep\)](#) fatato faiba.

Maalumát pack ian torzoma goribolla modot lagile meherbani gori tuñi tuáñr elahar primary eskool loi hotá ho.

Modotolla har loi zuhazug goijjum?

Ze primary eskoolot tuñi dorhást goirto soor éçiar Transition Coordinator, Bórti Officer yato Pricipale bórtir baabote tuáñr ze hono sual loi modot gori faribo.

Dorhari link

Tuáñr fua primary eskool cúru goredde cómot hamot lagi farede éndilla hodiin link meherbani gori buzí lo:

Añr Eskool Tuo – findmyschool.vic.gov.au

Eskool elahar baabote maalumát – vic.gov.au/school-zones

Foundation (Prep) ot bórti oon – vic.gov.au/enrolling-foundation-prep

Eskool ot bórti oon – vic.gov.au/how-choose-school-and-enrol

Maazuri arde córiki fonna – vic.gov.au/disability-and-inclusive-education

Gangor zagar officeor nam-tíkana – vic.gov.au/office-locations-department-education

2027 saalor Foundation (Prep) bórtir cómo-tarik

2026 saalor tarikókkol	Ma-baf/falooiyattu ki goron sa?
Term 1	Mongolbar 27 January (fuainde cúru goribode 28 January) – Bicidbar 2 April 2026
Terms 1 arde 2, 2026	Primary eskoole entezam goribode eskoool soforot córik ho (<i>nofólia</i>).
Bicidbar 2 April 2026 or bútoire	2027 eskoool saalor eskoool elaha fa zar. www.findmyschool.vic.gov.au eçé zai tuñi tuáñr elahar eskoool tuai loi fariba.
Term 2	Cómbar 20 April – Cúkkurbar 26 June 2026
Cómbar 20 April 2026 óite	- Term 2 or cúru óite, tuáñr fuar dorhást fura goro ar dahil goro – oy online ot yato Bórtir Maalumat Pack estemal gori, tuáñr eskoole ze mucuara de é mozin. Aro kúlasalla tuñi Foundation (Prep) ot Bórti ettu Bórtir Maalumat Pack download gori fariba.
Term 3	Cómbar 13 July – Cúkkurbar 18 September 2026
Cúkkurbar 31 July 2026 tarikor bútoire	E tarikor bútoire tuáñr fura goijja dorhást primary eskoolot dahil goro.
Cómbar 3 August oite Cúkkurbar 14 August 2026 tarikor bútoire	Primary eskoool ókkole e cómor bútoire bortir foyisala tuáñre leki zanai dibo. - Tuáñr dorhást kaamiab noode óile, tuñi primary eskoolot ekkada afil tuli fariba.
Cúkkurbar 28 August 2026 tarikor bútoire	Bórtir offeror fuañrati dia Bórti forom fura gori tuáñr fuar zaga kobul goijjode ían konfárom goro. - Tuáñrtu afil gora foredde óile afil leki tuáñr primary eskoolot Cúkkurbar 28 August 2026 tarikor bútoire dahil goro.
Cúkkurbar 11 September 2026 tarikor bútoire	Afilor foyisala Primary eskoole tuáñre leki zanai dibo.
Cúkkurbar 18 September 2026 tarikor bútoire	Tuñi zodice primary eskoolot afil gori kamiab no ó én hoile, Regional Directoror hañse ekkada afil leki dahil gori fariba.
Term 4	Cómbar 5 October – Cúkkurbar 18 December 2026
Term 4, 2026	Primary eskoolor entezam gora transition mozlicot córik o.
Cúkkurbar 6 November 2026 tarikor bútoire	Tuñi zodice Regional Directoror hañse ekkada afil dahil goijjo én hoile, e tarikor bútoire ítara tuáñre foyisala zanai dibo. Ían háçibode bana 18 September Cúkkurbaror bútoire gosi faiyede afilolla.